

清·方略館 編

清代 方略 全書

北京圖書館出版社



清代方略全書

一六七

清·方略館編

北京圖書館出版社

清·奕訢等撰

欽定剿平捻匪方略

卷二七六——二八六

清同治十一年（一八七二）鉛印本

欽定剿平捻匪方略卷二百七十六

丁卯



四月十九日

壬寅

庫克吉泰德興阿喬松年奏言

逆匪大股向同州以東晝夜狂奔復留悍賊殿
後以圖牽掣劉松山全福郭寶昌黃鼎等軍沿
路跟追疊有斬獲四月初一初二等日追至同
州附近一戰於晉成堡再戰於姜彥村該逆每
見我軍緊躡卽出大股騎賊紛紛拒敵劉松山

等與郭寶昌兩路並進一齊轟擊斃賊甚多復經馬隊包抄該逆不能抵敵悉行潰敗並於洛河淹斃者無數賊向同州東北逃竄初三日劉松山等商令全福郭寶昌等由同州向朝邑一帶傍河夾擊防賊搶渡劉松山自率湘軍及黃鼎所部跟蹤追剿連將許莊小壕賊堡奪回正在乘勝前進張總愚自率大股悍賊迎戰馬步

橫亙二十餘里並以滾龍車攜牌等隊包圍而
前勢極兇悍劉松山嚴束隊伍用洋礮四面轟
擊賊勢已亂該逆首復糾前股馬賊來援又經
總兵黃萬友等勦擊陣斃馬賊不少自午至酉
鏖戰四時之久賊陣登時散亂棄械狂奔我軍
追殺十餘里殺傷生擒者約近三千名擒獲頭
目鄧立志等多名均卽正法大壕等處賊營一

律攻破救出難民數千人該逆竄伏謝家坡一帶臣等已囑劉松山等乘勝進取務期一鼓殄除至劉松山等軍先後數十戰攻破賊壘三十餘處擒斬甚多此次復大獲勝仗保固河防洵屬異常出力可否仰懇

天恩准將屢著戰功之員先行擇尤酌保以昭激勸其力戰陣亡之副將胡理明等相應開列懇請

飭部從優議卹以慰忠魂奏入
上命軍機大臣傳諭庫克吉泰德興阿喬松年趙長齡陳湜曰逆匪竄擾同州經劉松山等軍追及於晉成堡姜彥村等處屢獲勝仗勦辦甚爲奮勉惟逆膽已寒勢必急謀鋌走著庫克吉泰德興阿喬松年督飭劉松山等軍嚴扼東路毋任擾及河岸並嚴飭馬隊會合劉松山等軍實力兜勦以期一

鼓殲除超長齡務飭陳湜嚴密布置加意防範以
杜賊蹤偷渡

上諭內閣曰劉松山自入陝以來屢著戰功此次追
賊同朝復能會合各軍大獲全勝保固河防深堪
嘉尙著賞給玉柄小刀一把火鐮一箇大荷包一
對小荷包二箇以示優獎所部出力將士並此次
各營出力員弁均著庫克吉泰德興阿喬松年擇

尤保奏陣亡之副將胡理明參將李順才遊擊蕭
忠恆左明德都司楊崑益胡連陞守備熊吉福千
總周福泰李明祥把總熊吉昌劉建祥羅錫涼外
委曾楚榜均著交部從優議卹

同日吉林將軍富明阿副都統富爾琿奏言欽

奉

刻甘肅督士宗棠咨照喜昌由整營吉廻回

諭旨招募丁勇礮手二千五百名令協領喜昌於假

滿後統帶赴甘茲准阿勒楚喀副都統德英移
奉陝甘總督左宗棠咨照喜昌由楚營告假回
旗程途遙遠恐延時日請先委明幹之員管帶
赴陝等語臣等查喜昌在楚辦理營務多年乃
軍中出色之員既經奉旨准其回旗聽候募齊
旨專派統帶自應星馳回旗聽候募齊卽行帶往
迄

今數月尙未到省相應請

旨飭下直隸河南湖北各督撫嚴飭沿途地方官催
令喜昌迅速回旗不得在途逗留俟該員到旗
仍令統帶丁勇赴甘柳或另行揀員統帶之處

恭候

欽定奏入

上諭內閣曰吉林協領喜昌由湖北軍營告假回旗
迄今數月之久尙未到旗著直隸河南湖北各督

撫速飭沿途地方官查明該協領行抵何處催令
迅回吉林管帶新募勇丁前赴左宗棠軍營聽候
調遣

二十一日 甲辰 李鴻章奏言任賴捻股自四月初

五日銘盛等軍在信陽境內攔剿敗遁入鄂是
日卽由應山縣城東北竄過適總兵王永勝等
營趕至初六日出隊小有擒斬賊卽竄孝感之

小河溪劉秉璋與楊鼎勳將出鄂境仍由廣水驛折回李昭慶由德安前往會師劉銘傳亦督隊繼進先後均過小河初七八等日賊東竄黃陂之兩河口各軍分路趕追計西路兵力已厚該逆不至回竄德隨勢將由麻城黃安北趨豫之光羅否則由蘄州廣濟等處東窺皖之宿太臣已嚴飭淮軍諸將會同鄂軍儘力兜擊豫省

宋慶一軍現駐信羅自可相機扼截皖西空虛
並緘商撫臣英翰趕派扼堵中原麥熟難保不
閒道出竄臣軍俱調往鄂境有追剿之兵更無
迎堵之兵南北數千里久旱不雨農田枯槁民
情惶惑於剿賊大局尤有關繫惴慮實深奏入
上命軍機大臣傳諭李鴻章李鶴年英翰曰任賴捻
股由應山東北竄孝感之小河溪旋竄黃陂之兩

河口現經劉秉璋等軍分路跟追卽著李鴻章檄飭各軍合力兜剿迅殄逆氛西路兵力已厚該逆既不至回擾德隨竄皖竄豫均在意中宋慶一軍現駐信羅著李鶴年飭令該營相機扼截並著英翰於皖西一帶抽撥勁旅實力嚴防中原麥熟該逆四出掠食是其慣技李鴻章各軍雖俱赴鄂深慮有追剿之兵而無迎堵之師仍著該大臣統籌

全局於無可抽調之中設法布置妥爲兼顧據稱
南北數千里久旱不雨農田枯槁等語實深廛繫
該大臣務當妥籌鎮撫安慰人心庶於軍務有裨
李鴻章又奏言據劉松山李祥和稟稱三月十
五日攻克臨平鎮後擒逆勾合回匪悉向武功
東竄劉松山等會同黃鼎安住等軍折赴興平
截剿十七日抵張楊村馬賊突至各軍督隊猛